

مرثية في رثاء الوالد الفقيد – رحمه الله وغفر له - أحمد بن صالح بن أحمد المناعي ، من مواليد قلالي - مملكة البحرين ، المتوفي هذا العام 2009 في مستشفى الملك فهد التعليمي بالخبر - المملكة العربية السعودية ، عن عمر يقارب السبعين عام .

## مرحوم

مرحوم - باذن الله - يا بوي مرحوم راس الشرف والعزّ ، راعي الجميله

يا سيدي يا بوي بين أمس واليوم كل شي تغير لا ما باليد حيله

بالأمس كنت ( أحمد ) واليوم مرحوم إسمك تبدل بين يوم و ليله

سبحان من قدر لنا الموت محتوم

الله يعين اللي يفارق خليله

نجم هوى من بين أقمار وانجوم

وجدي على من راح ما من بديله

راح الصديق اللي إذا كان مهموم

أحيان يشكي لي ، وأحيان أشكي له

الوالد ، الأب ، العطوف ، الرحوم

نبع الحنان اللي قليل مثيله

خير الرجال اللي لهم صيت و علوم

يمناه للإحسان دايم طويله

ريف الضعيف اللي إذا جاه مضيوم

يجبر كسر من جاه يطلب دخيله

حرّ تجنب كلمة العيب و اللوم

لا ، ما وطأ - حاشاه - درب الرذيله

من الرجال اللي لهم سرّ مكتوم

مثل الجبال الراسيات الثقيله

عاش بسلام ، و راح بسكات محشوم

حاز الشرف وانوار تاج الفضيله

لجلك بقوم الليل ، والصبح باصوم

واطلب من الرحمن بكل وسيله

يسقيك من كاسٍ به المسك مختوم

عند المليك ، بروض جنّته ظليله